

Im-gák — *Sim ê tìn-tang*

A-sek

Im-gák sī cháiⁿ-iūⁿ khai-sí..ê? Khòai-lók ê tiô-thiàu, kan-khó ê haiⁿ-chhan? Á-sī chhin-chhiūⁿ si-sîn só kóng--ê: Giân-gú kóng bōe chhut ê thór-khùi, gú-giân ê chīn-thâu, sī im-gák ê khí-thâu.

Sit-chè-siōng im-gák pí gú-giân, kî-thaⁿ ê gē-sút koh khah chá. Ōe-sái kóng ū sèⁿ-miā ê khai-sí chiū ū im-gák. Eⁿ-á chhut-sì chiū ēng khàu-siaⁿ lâi soan-kò i ê kàng-seng. Lâng ê sim-thiàu, hō-kip, kiâⁿ-lō lóng sī chit-chióng ê ūn-lüt. Tâi-chū-jiān ê jit-chhut, jit-lōh, tiâu-éng, tiâu-thè, sù-kùi ê lûn-hôe mā-sī ūn-lüt. Lâng seng-ōah tī im-gák tiong, im-gák tī múi chit-lâng ê sim-tiong.

Hi-liáp ū chit-ê sín-ōe, kóng-tiōh A-Pho-Lô tī hái-kîⁿ sàñ-pō ê sî, kha khì that-tiōh chit-ê mih-kiāⁿ. "Tng ! " chit-siaⁿ chin hó thiaⁿ. Àⁿ-lòh-khì khòaⁿ, gôan-lâi sī chit-chiah sî--khì ê ku, ku-khak-téng iáu lâu chit-tiâu kin. Hit-ê hó-thiaⁿ ê siaⁿ chiū sī tûi chit-tiâu kin lâi..ê. A-Pho-Lô chiū ēng che chòe khîm lâi tōaⁿ.

Kór-chá-lâng tī tâi-chū-jiān ê tions-kan chhōe-tiōh chhiū-bák kap tōng-bút ê phôe, kut-thâu, chiū khai-sí chè-chō gák-khì lâi thôan-tát i ê kám-chêng. Tī phah-lâh, chiat-kî, á-sī chiàn-cheng ê gî-sek tionsg, ēng kó kap keng lâi chok-gák. Âng-î chhiùⁿ-koá kóng-chhut pō-lók ê kò-sū.

Sèng-keng kî-chài, Mô-Se chhōa Í-sek-liát-lâng chhut Ai-kip, kòe-liáu Âng-hái, chiū kap chèng-lâng chhiùⁿ-koá

o-ló Siōng-tè. I ê tōa-chí Bí-lí-àm iáh ū-lú giáh lin-long-kó thiàu-chhut im-gák tûi lâng ê tiōng-iàu-sèng.

Tâi-ōan in-ūi ték-sû ê tē-lí ūi-tì, sán-seng chin hong-hù ê gôan-chū-bîn bûn-hòa. Se-iûⁿ im-gák tionsg só-ū ê chok-khek lí-lûn, tī lán gôan-chū-bîn im-gák tionsg lóng ū, jî-chhiáⁿ koh chin ū ték-sek. 1943 nî Jit-pún ê hák-chiá 黑澤隆朝 chiong Bunun ê koa-khek 「pasi but but」 hoat piáu tī sè-kài hōe-gī téng-bîn. Chit-siú koa ê ték-sû-sèng kap hòk-cháp-sèng sûi-sî ín-khí chôan sè-kài ê chû-bâk.

Im-gák sī sim ê tìn-tāng. Tûi Sèⁿ-miā ê khai-sí, hōan-nā kang-chok, lôan-ài, á-sī siā-hōe seng-ōah, lóng sī im-gák chhòng-chok ê lâi-gôan. Im-gák piáu-tát lâng chin-sit ê kám-chêng, kî-liók sè-kài ê chin, siān, bí. Chhin-chhiūⁿ În-tō ê si-jîn Tagore só siá..ê: Tī bân-mih chhòng-chō ê sî, sèⁿ-miā ê hoat-seng tī liû-chuí ê ōe-gú kap sòe koh khin ê hong tionsg. ♪♪♪



Hōe-gôan chham-ka 2005.3.6 lé-pài ê "Hóan pēng-tun, Hō Tâi-ōan" ê Ko-hiông Bân-lâng Tōa Iû-hêng. Hóan-tûi Tiong-kok chè-têng "Hóan hun-liát hoat" ê à-pà hêng-uî.